

ТОШКЕНТ ҲАҚИҚАТИ

1928 йил 11 декабрда асос солинган

ПАРКЕНТ ДУНЁ САЙЁҲЛАРИНИ ЧОРЛАЙДИ

Вилоятимизда туризмни ривожлантириш, мавжуд салоҳият ҳамда имкониятлардан тула фойдаланиш юзасидан бошлаб юборилган ишлар кўлами ниҳоятда кенг.

Бу ҳақда «Ҳокимлик соати»да гапирилган эди

Паркент туманида ҳам янги меҳмонхоналар, оилавий меҳмон уйлари қуриш, сайёҳлар ахборот маркази ташкил этиш ҳамда эко, агротуризмни йўлга қўйиш бўйича йирик лойиҳалар амалга оширилмоқда.

Худудда туризм инфраструктураларини шакллантириш ҳамда муҳандислик ва йўл-транспорт коммуникацияларини ривожлантириш дастури юзасидан қатор ишлар бажарилмоқда, — дейди вилоят туризмни ривожланти-

риш департаменти бўлим бошлиғи Зиёдбек Йўлдошев. — Жумладан, туман маркази ва йўл бўйларидаги архитектура ва санитария талабларига жавоб бермайдиган 35 та объект бузилди. Улар ўрнида замонавий савдо ва маиший хизмат кўрсатиш бинолари барпо этилаёпти. Қолаверса, зиёрат туризмни ривожлантиришга ҳам алоҳида эътибор қаратганмиз. Тумандаги «Ҳазрати Али», «Бобомочин», «Саид ота» «Заркент ота» каби зиё-



ратгоҳларда ободонлаштириш ишлари мунтазам олиб борилмоқда. Жумладан, «Бухангар бува» зиёратгоҳини реконструкция қилиш учун давлат бюджетидан 600 млн. сўм маблағ ажратилган бўлиб, шу йили таъмирлаш ишлари бошланади.

Мазкур лойиҳанинг қиймати 25 млрд. сўм бўлиб, шундан 1 млн. 200 минг АҚШ доллари тўғридан-тўғри хорижий инвестиция ҳисобланади.

Маълумки, Қумушқон қишлоғида «Қумушқон тараққиёт инвест» масъулияти чекланган жамияти томонидан оилавий спорт соғломлаштириш маркази ҳамда 130 ўринли меҳмонхона барпо этилмоқда.

Замонавий дизайн асосида бунёд этилаётган мажмуада меҳмонлар учун мини футбол, волейбол, баскетбол, теннис майдончалари, бильярдхона, эко парк, кафе ва ресторан, болалар шаҳарчаси (ўйингоҳ), бассейн ҳамда бошқа иншоотлар қурилмоқда. Бассейн ва иссиқлик тизимлари учун Германия ва Туркия технологияларидан фойдаланилмоқда.

Мазкур мажмуани жорий йилнинг иккинчи чорагида фойдаланишга топшириш режалаштирилган. Меҳмонхона ишга тушиши билан 60 та иш ўрни яратилади. Қолаверса, юртдошларимиз ва хорижий сайёҳлар мириқиб хордик чиқаришлари учун янада қулай бўлади.

Зухриддин РАҲМОНОВ,
«Тошкент ҳақиқати» мухбири
Мансур ХИММАТОВ
олган суратлар



Учрашув

Тошкент давлат аграр университетида «2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини» «Фаол инвестициялар ва ижтимоий ривожланиш йили»да амалга оширишга оид Давлат дастурининг мазмун-моҳияти, унда белгиланган мақсад-вазифаларни амалга оширишда «Тараққиёт стратегияси» марказининг ўрни ва роли» мавзусида учрашув бўлиб ўтди.

ЭЗГУ МАҚСАДЛАР РЎЎБИ



Учрашувда 2019 йилги Давлат дастурида белгиланган вазифалар ижросини таъминлашда марказ томонидан тегишли давлат ва нодавлат органлари билан ҳамкорликда муайян ишлар амалга оширилаётгани алоҳида таъкидланди. Хусусан, Давлат дастури бажарилишини тизимли мониторинг қилиш, унинг доирасида режалаштирилган қадриятлар бўйича илғор хорижий тажриба, халқаро стандартлар, экспертларнинг баҳолари, фикр-мулоҳазаларини ўрганиш, уни сифатли ва ўз вақтида бажариш учун қўшимча чоралар кўриш, бу борада эришилган аниқ кўрсаткичлар ва ижобий натижаларни маҳаллий ва хорижий оммавий ахборот воситалари орқали республикамиз аҳолиси ва халқаро ҳамжамиятга мунтазам етказиб бериш марказ фаолиятида устувор аҳамият касб этиши таъкидланди.

Шунингдек, «Тараққиёт стратегияси» маркази олдида турган яна бир муҳим вазифа бу Давлат дастурини амалга ошириш якунларига бағишланган ахборот-таҳлилий шарҳларни тайёрлаш, уларни хорижий тилларда эълон қилиш ва тарқатишни таъминлаш экани қайд этилди.

Мамалятимизда жуда катта ижобий ўзгаришлар бўлаёпти, — дейди марказ ижрочи директори, Олий Мажлис Қонунчилик палатаси депутати Элдор Туляков. — Албатта, буларнинг тағ замирида, энг аввало, аҳоли турмуш фаровонлигини юксалтириш ва одамларнинг муносиб ҳаёт кечириши учун барча зарур ижтимоий-иқтисодий шароитларни яратиш бериш, бир сўз билан айтганда, халқимизни рози қилиш ётибди.

Учрашув савол-жавобларга бой бўлди.

Ўз мухбиримиз

ЭЪТИБОР ВА РАҒБАТ — МУВАФФАҚИЯТ ГАРОВИ

Чирчиқ шаҳридаги «Ёшлар маркази»да 2018 йилда спорт бўйича юксак натижаларни қўлга киритган вилоятимиз ёшлари ҳамда уларнинг мураббийларини тақдирлаш маросими ўтказилди.

Эътироф

Айтиш керакки, ўтган йилнинг биргина август-сентябрь ойларида Индонезияда ўтказилган Осиё ўйинларида мамлакатимиз спортчилари 21 та олтин, 24 та кумуш ва 25 та бронза — жами 70 та медални қўлга киритиб, умумий ҳисобда 5-ўринни эгаллашди. Буларнинг орасида вилоятимизнинг кўплаб ёшлари борлигидан фخرлансак арзийди.

— Албатта, ёшлар қанчалик кўп ютуққа эришса, биз шунча кувонамиз, — дейди вилоят ҳокимининг ўринбосари Одилжон Тоҳиев. —

Қаранг, Парасиё, Осиё ва Олимпиада ўйинларида вилоятимиз ёшлари ҳам муносиб иштирок этиб, бир қатор медалларни қўлга киритишди. Буларнинг барчаси юртимизда спортга бўлган эътибор, яратилган шароит ва рағбатнинг самараси, деб биламан.

Дарҳақиқат, яқинда 2019-2023 йилларда «Ўзбекистон Республикасида жисмоний тарбия ва оммавий спортни ривожлантириш концепцияси» қабул қилинди. Унга



қўра, «Спорт байрами» миллий фестивалини ўтказиш, жисмоний тарбия соҳасидаги кадрлар «Sport Management» (спортни бошқариш), «Sport Leadership» (спортга раҳбарлик қилиш), «Sport Administration» (спорт маъмуриятичилиги) йўналишлари бўйича тажриба орттириш ҳамда мактабгача таълим муассасаларидан бошлаб жисмоний тарбиянинг инновацион усулларини такомиллаштириш белгилаб олинди. Булар ўз натижасини беради, албатта.

Тадбир сўнггида спортчи ва мураббийлар пул мукофотлари билан тақдирланди.

Эрли НОРБЕКОВ,
«Тошкент ҳақиқати» мухбири
Равшан МИРЗАҚУЛОВ
олган суратлар



Зулфияхоним издошлари

БАҲОР КЕЛДИ, СИЗНИ СЎРОҚЛАБ...

Бекобод тумани маркази Зафар шаҳарчасида «Зулфияхоним издошман» мавзусида вилоят хотин-қизларининг байрамолди анжумани бўлиб ўтди.

Унда вилоятимизнинг фаол хотин-қизлари, Зулфияхоним издошлари иштирок этишди.

Маълумки, юртимизда ҳар йили анъанавий равишда адабиёт, санъат, маданият, таълим ва спорт соҳасида энг юқори натижага эришган иқтидорли қизларга Зулфия номидаги Давлат мукофоти бериб борилади. Айниқса, ўтган йилдан бошлаб, республикамизнинг ҳар бир вилоятидан 2 нафар иқтидорли қизларга бундай нуфузли мукофотнинг берили-

ши хотин-қизларга бўлган эътиборнинг яна бир ёрқин намунасига айланди.

Туман марказидаги 16-сонли Болалар мусиқа ва санъат мактаби залига йиғилганлар Зулфия номидаги Давлат мукофотида сазовор бўлган иқтидорли қизларни қарсаклар билан қарши олишди. Бекобод тумани ҳокими ўринбосари, хотин-қизлар қўмитаси раиси Ёқутхон Мўмино-

ва анжуман иштирокчиларини самимий табриклади. Таниқли шоирлар Зарифа Эралиева ҳамда Ботир Эргашевлар ўзларининг дил сўзларини изҳор этиб, Аёл ва Баҳорга бағишланган шеърларидан ўқиб беришди.

Иқтидорли қизларга вилоят ва туман ҳокимлигининг фахрий ёрлиғи ҳамда эсдалик совғалари топширилди. Ҳаяжон оғушидаги қизлар Зулфияхонимга му-

дорликни кескин оширишга бағишлаб ўтказилган селектор йиғилишида берилган вазифа ва топшириқлар ижросини таъминлаш, аҳоли томорқаларидан самарали фойдаланиш, бунинг учун талаб этиладиган моддий-техника ресурслари, ўғит ва уруғликларни ўз вақтида етказиб бериш бўйича қўшимча чора-тадбирлар тўғрисидаги масалаларни муҳокама қилди.

Мазкур масалалар юзасидан вилоят ҳокимининг биринчи ўринбосари Рустам Холматов, вилоят фермер, деҳқон хўжаликлари ва томорқа ер эгалари Кенгаши раиси Тўлқин Тўраев ҳисоботлари тингланди. Бу борада сусткашлик ва ўзи-ўзларчиликка йўл қўйилаётган ҳудудларнинг сектор раҳбарларига ишдаги камчилик ва нуқсонлари рўй-рост кўрсатиб берилди.

Ҳар икки масала бўйича томорқа ер эгалари ва фермер хўжаликлари раҳбарларига Мурожат қабул қилинди.

Маълумки, жорий йил

тайёргарлик кўриш зарурати бор. Шу сабабли, сессия кун тартибидан яқинлашиб келаётган сайловларга ҳар тарафлама пухта ҳозирлик кўриш, бу бўйича вилоятда ва жойларда махсус кўмаклашувчи комиссияси таркиби тасдиқланди.

Сессияда депутатлар олдида чиқиш қилган вилоят Адлия бошқармаси бошлиғи Ақтам Муҳаммадиев бошқарма ва унинг тизимидаги идораларнинг 2018 йилдаги фаолияти бўйича кенгайтирилган ҳисоботини тақдим этди.

Шунингдек, депутатлар сессиялар оралиғида қабул қилинган Кенгаш қарорлари ва вилоят ҳокимининг ташкилий масалаларга доир бошқа қарорларини ҳам тасдиқладилар.

Халқ депутатлари вилоят Кенгашининг навбатдаги сессияси бўлиб ўтди. Сессия ишида вилоят Кенгаши депутатлари, вилоят ҳокимининг ўринбосарлари, ҳокимлик гуруҳ ва котибиятлари раҳбарлари, тегишли бошқарма ва ташкилот мутасаддилари, ҳудудий секторлар раҳбарлари ҳамда оммавий ахборот воситалари вакиллари иштирок этишди.

Сессияни Халқ депутатлари вилоят Кенгаши раиси, вилоят ҳокими Фуломжон Ибрагимов бошқарди.

ХАЛҚ ДЕПУТАТЛАРИ ВИЛОЯТ КЕНГАШИНИНГ СЕССИЯСИ

Депутатлар кун тартибига мувофиқ дастлаб Ўзбекистон Республикаси Президентининг жорий йилнинг 25 февраль кунин 2019 йил ҳосили учун бошқоқ дон экинларини парвариш-лаш ишларини тизимли ташкил қилиш ҳамда ҳосил-

мамлакатимизда фуқаролар йиғинлари раислари (оқсоқоллари) сайлови бўлиб ўтади. Бу борада қонунчиликка киритилган сўнгги ўзгариш ва қўшимчаларни аҳолига етказиш, ижтимоий аҳамияти ниҳоятда катта бўлган жараёнга муносиб



дорликни кескин оширишга бағишлаб ўтказилган селектор йиғилишида берилган вазифа ва топшириқлар ижросини таъминлаш, аҳоли томорқаларидан самарали фойдаланиш, бунинг учун талаб этиладиган моддий-техника ресурслари, ўғит ва уруғликларни ўз вақтида етказиб бериш бўйича қўшимча чора-тадбирлар тўғрисидаги масалаларни муҳокама қилди.

Сессияда депутатлар олдида чиқиш қилган вилоят Адлия бошқармаси бошлиғи Ақтам Муҳаммадиев бошқарма ва унинг тизимидаги идораларнинг 2018 йилдаги фаолияти бўйича кенгайтирилган ҳисоботини тақдим этди.

Шунингдек, депутатлар сессиялар оралиғида қабул қилинган Кенгаш қарорлари ва вилоят ҳокимининг ташкилий масалаларга доир бошқа қарорларини ҳам тасдиқладилар.



носиб издош ҳамда ижодий ишлари билан ҳар жабҳада фаол бўлишга ваъда беришди. Уларнинг айримларини суҳбатга тортидик.

— Биз каби ёшларга катта эътибор берилаётганидан беҳад мамнунмиз, — дейди Сарвина Жўрабоева. — Бугунги учрашув

менда катта таассурот қолдирди. Устозларнинг ўғит ва маслаҳатларига амал қилиб, ўз устимда тинмай ишлаганим керак. Зотан, Зулфияхонимга муносиб ворис бўлиш катта меҳнат ва масъулият талаб қилади.

Давоми 2-бетда

Фуқаролар йиғинлари раислари (оқсоқоллари) сайловини ташкил этиш ва ўтказишга кўмаклашувчи вилоят комиссияси ТАРКИБИ

(Халқ депутатлари вилоят Кенгашининг 2019 йил 27 февралдаги XXXV сессиясида тасдиқланган)

Комиссия раиси	
1 Ибрагимов Ғуломжон Иномович	Фуқароларнинг ўзини ўзи бошқариш органлари фаолиятини мувофиқлаштириш бўйича вилоят Кенгаши раиси, вилоят ҳокими
Комиссия раисининг ўринбосарлари	
2 Исабаев Акмалжон Тешабоевич	Халқ депутатлари вилоят Кенгаши раисининг ўринбосари
3 Ҳамидов Ҳакимжон	Фуқароларнинг ўзини ўзи бошқариш органлари фаолиятини мувофиқлаштириш бўйича вилоят Кенгаши раисининг биринчи ўринбосари
Комиссия аъзолари	
4 Сайдахмедов Хотам Анварович	Халқ депутатлари вилоят Кенгашининг Қонунийлик, ҳуқуқ-тартибот ва фуқаролар ҳаёти-синизлигини таъминлаш масалалари бўйича доимий комиссияси раиси
5 Собиров Шавкат Матрасулович	Халқ депутатлари вилоят Кенгашининг Нодавлат нотижорат ташкилотлари ва фуқаролик жамиятининг бошқа институтлари масалалари бўйича доимий комиссияси раиси
6 Эралиева Зарифа Ашуровна	Халқ депутатлари вилоят Кенгашининг Ижтимоий-маданий ривожланиш масалалари бўйича доимий комиссияси раиси
7 Тажиев Одилов Патихджонович	вилоят ҳокимининг ёшлар сиёсати, ижтимоий ривожлантириш ва маънавий-маърифий ишлар бўйича ўринбосари
8 Парпиева Озода Абдуқодировна	вилоят ҳокимининг ўринбосари, хотин-қизлар кўмитаси раиси
9 Зуфаров Муроджон Миржалолович	Ўзбекистон Ёшлар иттифоқи вилоят Кенгаши раиси
10 Шоисманов Дилшод Шоисманович	Халқ депутатлари вилоят Кенгашига сайлов ўтказувчи вилоят сайлов комиссиясида доимий асосда ишловчи комиссия котиби
11 Махаммадиева Дилором Шалатиповна	вилоят "Оила" илмий-амалий тадқиқот маркази директори
12 Сулаймонов Ботиржон Абдушукурович	Тошкент давлат аграр университети ректори, профессор
13 Мухаммадиев Ақтам Зайниддинович	вилоят Адлия бошқармаси бошлиғи
14 Лавозимига кўра	вилоят ҳокимлиги Ахборот хизмати раҳбари
15 Иzzатов Дилмурод Турсунбоевич	Фуқаролик жамияти шаклланишини мониторинг қилиш мустақил институти вилоят ҳудудий бўлини масъул раҳбари
16 Насиров Муратжан Лазизович	вилоят қасаба уюшмалари ташкилотлари бирлашма Кенгаши раиси
17 Асатов Сайфулла	вилоят "Нуроний" жамғармаси бошқарув Кенгаши раиси
18 Шералиев Ғайрат Раҳматиллаевич	"Тошкент ҳақиқати" ва "Ташкентская правда" газеталари бош муҳаррири
19 Ходжаева Мохира Мирзахмадовна	Республика Маънавият тарғибот маркази вилоят бўлими раҳбари
20 Абдузамимов Азизжон Авазович	Фуқароларнинг ўзини ўзи бошқариш органлари фаолиятини мувофиқлаштириш бўйича вилоят Кенгаши раисининг ёшлар ишлари бўйича ўринбосари
21 Исаев Элдор Дарабович	вилоят ҳокимлиги Ташкилий-назорат гуруҳи бош мутахассиси – комиссия масъул котиби

Қарор ва ижро

Мамлакатимизда бахшичилик ва дostonчилик санъати тарихи, шу йўналишда ижод қилиб келган бахшилар ижросини мукаммал ўрганиш, халқ оғзаки ижоди асарларини тўплаш, ёш авлод қалбига миллий санъатимиз анъаналарига ҳурмат туйғуларини камол топтириш, йигит-қизларимизни мардлик, ҳалоллик, миллий ва умуминсоний қадриятлар, она юртга ва аждодлар меросига садоқат руҳида тарбиялаш мақсадида шу йилнинг апрель ойида Термиз шаҳрида биринчи Халқаро бахшичилик санъати фестивали ўтказилади.

БОҚИЙ ҚАДРИЯТЛАР ТАРАННУМИ



Тадбирда сўзга чиққанлар бахшичиликнинг Шарқ маданияти ва санъатидаги ўрни ҳақида

тўхталдилар. Хусусан, Президентимизнинг 2018 йил 1 ноябрдаги "Халқаро бахшичилик санъати фестивалини ўтказиш тўғрисида"ги Қарори асосан, бу борада ишлар янада кўламли бўлаётгани таъкидланди.

Кўрик-танлов иштирокчилари дўмбра, чанг, доира ва бошқа чолғу асбобларида куй-қўшиқлар ижро этишди. Меҳмонларга "Паркент чашмаси" бадий жамо-

аси, Оҳангарон шаҳрининг "Қурама" ҳамда Оққўрғон туманилик таниқли бахши Алибек Болтаевнинг чиқишлари манзур бўлди.

Яқунда ғолиб ва совриндорлар диплом ҳамда қimmatбахо совғалар билан тақдирландилар.

Дарвоқе, танлов доирасида миллий хунармандчилик маҳсулотлари кўргазмаси ҳам ўтказилди.

Х. УБАЙДУЛЛАЕВ
Мансур ХИММАТОВ
олган суратлар

«БАХШИИМ ШИЛ – ЎЗБЕКНИНГ ЗУЛФИЯСИМАН!..»



Ушбу мақола ҳам ана шу ҳақда. Анқироги, ҳозирги кунда 83 баҳорни қаршилаган, Паркент ва Юқори Чирчиқ туманлари қўшилган кезлари туманда раҳбарлик лавозимига ишлаган Иззат ая Султонова хотиралари асосида ёзилди. Яқинда биз онахоннинг хонадонига бўлиб, суҳбатлашдик.

– 1975 йилнинг июнь ойи эди, – дея ҳикоясини бошлади меҳнат фахрийси Иззат ая Султонова. – Ўша йили Бирлашган Миллатлар Ташкилоти қарори билан бутун дунёда "Аёллар йили" дея эълон қилинган. Шу сабабли, йил номидан келиб чиқиб, кўплаб маънавий-маърифий тадбирлар ташкил этишни режалаштириб олгандик. Янада қувонарлиси, худди шу йили юртимизда Ўзбекистон халқ шоираси, Давлат мукофоти соҳибаси Зулфия Исроилованинг 60 йиллик юбилей тантаналари ҳам кенг нишонланётганди. Шу муносабат билан Паркентдаги собиқ "Гулбоғ" дала шийпониди Зулфияхоним билан ижодий учрашув ташкил этдик. Тадбир чиройли ва

Ҳаётда бўлган ибратли воқеаларни эслаб туриш инсонга маънавий озуқа беради. Айниқса, таниқли инсонлар билан учрашувлар, давра суҳбатлари одамларнинг ёдида узоқ вақт сақланади.

Хотира саодати

мазмунли ўтиши учун катта тайёргарлик кўрдик. Китоблар кўргазмаси ташкил этилиб, Ҳамид Олимжон ва Зулфияхоним ижодларига кенг ўрин ажратилди. Тадбирга турли соҳа вакиллари, маҳаллий ижодкорлар ҳамда ёшларни жалб этдик. Туман матлубот савдо жамияти раҳбари Клара Комилова миллий матоларимиз – атлас, адрас, дубоалардан кўргазмани савдо уюштирдик.

Зулфияхоним даврга кириб келганида гулдурсоқ қарсақлар янгради. Шоирага олималар Музаёна Алавия, Саида Назруллаева, шоира Гулчехра Жўраева, шоир Ориф Одиловлар ҳамроҳлик қилиб келишди.

Тадбир жуда чиройли ўтди. Ўқувчи-ёшлар Ҳамид Олимжон ва Зулфияхоним шеърларини ўзбек, рус, қозоқ тилларида ёддан ўқишди. Санъаткорлар уларнинг шеърларига бағланган қўшиқлардан ижро этиб, тадбирга файз бағишлашди.

Яқунда Зулфияхоним Исроилова шундай дедилар:

– Бу ажойиб кеча, ҳурмат-эҳтиром фақат менга эмас, умрдошим Ҳамид Олимжонга ҳам бағишланганлиги кўнглимни тоғдек кўтарди. Бундай меҳр ва эътибор учун барчангиздан миннатдорман.

Катта саватчадаги гулли олиб чиқиб, Зулфияхонимга бердим. Опа мени бағрига босди. Икки юзимдан ўпиб, раҳмат айтди...

...Ўша дамдаги ҳаяжоним ва қувончимни мана, орадан 43 йил ўтсада, ҳамон энтикиб эслайман.

Ҳар йили Зулфияхонимнинг туғилган куни арафасида шу воқеа ёдимга тушади. Ўтганларни эслаш, қилган яхши амалларини ёдга олишга нима етсин? Шукр, тўққиз неварам, уч нафар чеварам бор. Халол меҳнатларим учун "Шукрат" медали билан тақдирландим.

Сўнгги йилларда Президентимиз олиб бораётган оқилонга сиёсатдан жуда мамнунман. Ҳамид Олимжон, Зулфияхоним, Саид Аҳмад, Саида Зуннунова, Абдулла Орипов, Эркин Воҳидов, Мухаммад Юсуф сингари адиб ва шоирлар хотираси абадийлаштирилиб, биринчи ўзбек генерали Собир Раҳимов ҳамда Иккинчи жаҳон уруши йилларида 14 нафар етим болаларни асраб олган темирчи Шомахмудовлар оиласига ўрнатилган ҳайкалларнинг қайта тикланиши кўпчилик қатори кўнглимни тоғдек кўтарди. Илоҳим, юртимиз тинчлигига ҳеч қачон кўз тегмасин.

Латифжон МАНСУРОВ,
Юқори Чирчиқ тумани



БАҲОР КЕЛДИ, СИЗНИ СЎРОҚЛАБ...

– Бадий ижод билан шуғулланиш кишига катта завқ ва ҳаяжон бахш этади, – дейди Муаттар Мамажонова. – Яхши ва мукаммал асарлар ёзиш учун эса, кўпроқ китоб ўқишимиз, устозларимиз йўлидан боришимиз керак. Дарвоқе, вилоятимиздан Зулфия номидаги Давлат мукофоти сазовор бўлганларнинг 3 нафари бекободлик қизларимиз экани бизни қувонтиради, албатта.

Тадбирда туман "Баркамол авлод" болалар ижодиёт марказининг "Бинафша" ҳамда мусиқа мактаби ўқувчиларининг чиқишлари кўпчилиққа манзур бўлди.

Тадбирда вилоят ҳокимининг ўринбосари, хотин-қизлар кўмитаси раиси Озода Парпиева сўзга чиқди.

Ашурали БОЙМУРДОВ
Равшан МИРЗАҚУЛОВ
олган суратлар

ТУМАНЛАРДАГИ СЕКТОР РАҲБАРЛАРИГА ЯНГИ ХИЗМАТ МАШИНАСИ ВАЪДА ҚИЛИНДИ



Туманлардаги ҳудудий сектор раҳбарлари – ҳоким, прокурор, ИИБ ва солиқ бошлиқларига вилоят ҳокими томонидан янги хизмат машинаси олиб берилади. Бироқ, ҳозирча бу ваъда. Чунки, бунга эришишнинг шарти бор.

Ғап шундаки, куни кеча бўлиб ўтган Халқ депутатлари вилоят Кенгашининг навбатдаги XXXV сессиясида ғалла парваршири бора-сида вилоятда олиб борилаётган ишлар аҳоли танқидий кўриб чиқилди.

Қишлоқ ҳўжалиги меҳнат-кашларини жорий агротехника ишларини ўз вақтида, тезкор олиб боришга чақирган вилоят ҳокими 2019 йилги ғалла мавсумида давлатга дон сотиш шартномаси бўлиб вилоятда биринчи бўлиб удалаган туманининг 4 сектор раҳбарига биттадан янги хизмат машинаси олиб берилишини маълум қилди.

@haqiqatonline

ПИСКЕНТ ҲОКИМИНИНГ ҲИММАТИ

Вилоят Матбуот ва оммавий коммуникациялар бошқармаси томонидан ҳудудий оммавий ахборот воситалари фаолиятини янада жонлантириш, уларнинг моддий-техник базасини яхшилашга кўмаклашиш мақсадида жойларда кўчма таҳлилий ўрганишлар ўтказилмоқда. Ўрганишлар натижалари бевосита нашр муассаси – туман ва шаҳар ҳокимлари иштирокида муҳокама этилмоқда.

Ибрат

"Пискент ҳаёти" газетаси таҳририяти жамоаси билан бўлган шундай учрашувда газетанинг техник-бадий сифатини янада ошириш, танқидий-таҳлилий материалларнинг изчиллиги ва натижадорлигини таъминлаш чораларини кўриш, журналистларни қийнаётган муаммоларни бариқаратиш омилига алоҳида эътибор қаратилди. Дарҳақиқат, таҳририятнинг бугунги кундаги молиявий ҳолатидан келиб чиққан ҳолда, жами 1 минг 800 нафар обуначиси бўлган газета оқ-қора рангда, кўримсиз ҳолда чоп этилаётгани туман ҳокимлигини ҳам бефарқ қолдирмади.

– "Пискент ҳаёти" газетаси туманимизнинг кўзгуси, – дейди туман ҳокими Шукрат Аҳмедов. – Туман кенгаши депутатлари билан маслаҳатлашган ҳолда газетани мазмун жиҳатидан янада бойитиш, моддий-техник базасини яхшилаш, журналистларни ҳар томонлама қўллаб-қувватлаш чораларини кўрамиз.

Бир ҳафтадан сўнг кам таъминланган оилалар, ногиронлиги бўлган фуқароларни мамлакатимиз, шу жумладан, туман ҳаётида рўй бераётган янгилардан хабардор бўлишларини таъминлаш мақсадида таҳририят ҳисобига (туман бюджетининг 2019 йил учун белгиланган захира жамғармаси ҳисобидан) 50 миллион сўм маблағ ўтказиб бериш тўғрисида туман ҳокимининг фармойиши чиққани тўғрисида хабар топдик.

Бундай қўллаб-қувватлашдан сўнг "Пискент ҳаёти" газетаси 1 мартдан бошлаб яна рангли чоп этила бошлади. Қувонарлиси, газета ўқувчилари сони 500 нафарга кўпайди.

Ў. МУХБИРИМИЗ

– Аҳилликда ҳикмат кўп, деб бежизга айтишмаган экан, – дейди маҳалла раиси Абдумуталиб Умаров. – Маҳалламизда ўзбек, тожик, қозоқ миллиятига мансуб оилалар умргузаронлик қилишмоқда. Мана бир неча йилдирки, маҳалламизда жиноятчилик, ҳуқуқбузарлик ҳолатлари кузатилмади. Чунки, маҳалладошларимизнинг мақсади битта – озода ва обод юртда тинчлик-осойишталикни сақлаш, чин дилдан меҳнат қилиш. Шундан бўлса керак, маҳалларимиз муштараклиги тақдир ерларимизни гулзорга айлантирди.

Дарҳақиқат, ўтган йили мазкур маҳаллада "Обод қишлоқ" Давлат дастури амалга оширилди. Худуднинг Садриддин Айний номи иккинчи бўлимида бунёд этилган "Тонг юлдузи" мажмуасида барча қўлайликларга эга муассасалар жамланган. Болалар боғчаси, мини маркет, дам олиш сарайи, маданият маркази, мактаб, маҳалла идораси ва 28 та замонавий янги турар-жойлар шулар жумласидан.

– Кўп йиллардан бери ҳал этилмаётган муаммоларнинг беш ой ичида амалга оширилиши ҳамқишлоқларимизга катта имкониятлар берди, – дейди 47-умумтаълим мактаби директори Абдужаббор Латипов. – Масалан, бир неча йил мобайнида 180 ўринли мактабда синф хоналари етишмаслиги сабабли уч юздан зиёда ўқувчилар уч сменада таълим олишга мажбур

бўлишарди. Ишониш қийину, аммо, мактаб кутубхонаси спорт залидаги қийиниш хонасига жойлаштирилганди. Дастур доирасида қўшимча 180 ўринли, қўлай шарт-шароитларга эга бино қуриб берилди. Кутубхонамиз турли тиллардаги бадий адабиёт-

Ўзбекистон – умумий уйимиз

АҲИЛЛИК МАҚСАДЛАРНИ БИРЛАШТИРАДИ

Чиноз туманидаги "Тонг юлдузи" маҳалла фуқаролар йиғинида кўп миллатли аҳоли яшайди. Кейинги йилларда маҳалланинг қиёфаси тубдан ўзгариб, аҳолининг турмушида катта янгиликлар бўлаяпти.

лар билан бойитилди. Яқинда ўтказилган "Билимлар беллашуви"да тожик тили фанидан тўрт нафар ўқувчимиз вилоят босқичига йўлланмани қўлга киритди.

Чорак аср давомида маҳалла аҳолиси ичимлик суви етишмовчилигидан қийналишар, йўллар ёмонлиги боис "Файрат" маҳалласидан то Садриддин Айний номи иккинчи бўлимигача бўлган 3 чакримлик масофани яёв босиб ўтишга тўғри келарди. Ҳозир эса ўзгача манзара: маҳаллага артезиан қувири ўрнатилиб, ичимлик суви келтирилди. Қўчалар асфальтланиб, автобус қатнови йўлга қўйилди.

– Ҳамма ҳам яхши шароитларда яшашни хоҳлайди, –



га ҳаракат қила-йимиз. Хусусан, кичик бизнес ва тадбиркорлик билан шуғулланиш истагида бўлганларга ёрдам берайпмиз. Худудимизда 120 ўринли тикув корхонаси, савдо маркетлари, кичик тадбиркорликлар иш бошлади. Йиғинда 228 та тожик оилалари истикомат қилади. Ўзбек-тожик қардошлиги, урф-одатларини яхши сақлаш ҳолда бир-биришнинг қадрайимиз. Тўй-ҳашам, маъракаларда елкадош бўлишга ўрганганмиз. Фарзандларимизга ҳам шуни сингдириб бораёйимиз.

Маҳаллада ўзбек-тожик миллий-маданий марказининг таш-

кил этилиши алоқаларимизни янада мустаҳкамлашга хизмат қилиши шубҳасиз.

"Обод қишлоқ" Давлат дастури асосида тўрт ярим миллион сўм маблағ эвазига қуриб битказилган "Маданият маркази"да кутубхона, фаоллар зали, 10 дан ортиқ му-

сиқа ва миллий хунармандчилик тўғарақларига мослаштирилган хоналар жиҳозланган. Шунингдек, "Тез ёрдам" бўлими ҳам шу ерда жойлашган. – Марказимизнинг асосий вазифаси одамларни бирлаштириш, – дейди марказ раҳбари Абдулла Мирзахмедов. – Келгусида марказ қошида мусиқий ансамбль ташкил этиш ниятидамиз. Энг муҳими, икки миллатнинг урф-одатлари, қадриятларини сақлаб қолиб, аҳилликни янада мустаҳкамлаш.

Нигора ЎРОЛОВА

Бир
шикоят
изидан

Агентлигимизга ушбу муаммоли вазият юзасидан мазкур мактабнинг кузатув кенгаши раиси А.Аҳмедова мурожаат қилди. Мурожаатга асосан 27-умумтаълим мактабида бўлиб, вазиятни ўргандик.

Кўникиш осон,
кўникмаларни унутиш
қийин бўлмоқда

Айни пайтда мазкур муассасада 450 нафардан зиёд ўқувчи таълим олаётди. Мактаб ҳақиқатан ҳам 2017 йилда капитал таъмирланиб, ўша йилнинг декабрь ойида барча синф хоналари, жумладан, физика, кимё ва биология хоналарига махсус янги жиҳозлар ўрнатилган.

– Синфимизга янги парта ва стуллар, шкафлар қўйилганида жуда хурсанд бўлган эдик, – дейди 9-синф ўқувчиси Ж. Усенов. – Айниқса, физика, кимё ва биология хоналаридаги замонавий жиҳозларни кўриб, бу синфлардан чиққимиз келмасди. Афсуски, хурсандчилигимиз узокқа бормади. Бир ой ўтар-ўтмас, уларни олиб кетишди.

Мактаб ўқувчиларининг маълум қилишича, улар, айниқса, махсус фан хоналарига ўрнатилган замонавий лаборатория жиҳозларига тезда кўникишган. Аммо, жиҳозлар олиб кетилган, бир ойлик замонавий синф хоналари билан боғлиқ хотираларни, кўникмаларни унутиш қийин бўлмоқда.

Мактаб мутасаддилари ҳолатга изоҳ берар экан, жиҳозлар туман

Ўрта Чирчиқ туманидаги 27-умумтаълим мактаби 2017 йилда капитал таъмирдан чиқарилиб, замонавий жиҳозланган. Орадан бир ойча вақт ўтиб, аниқроғи, 2018 йил январда мактабнинг физика, биология, кимё ва 2 та юқори синф хоналарининг янги жиҳозлари туман халқ таълими бўлими кўрсатмасига асосан мактабдан олиб чиқиб кетилган. Тез кунларда уларнинг ўрнига янгиси олиб келиниши ваъда қилинган. Аммо, орадан 1 йил ўтса ҳамки, янги жиҳозлардан дарак йўқ.

халқ таълими бўлими топшириғига асосан Паркент туманидаги 33-умумтаълим мактабига олиб борилганини маълум қилди.

– Олиб кетилган жиҳозлар ўрнига янгиси берилади, – дейди туман халқ таълими бўлими мудири ўринбосари С. Асроркулов. – Тўғри, орадан

БИР МУРОЖААТДА
ҚАЙД ЭТИЛГАН УЧ
МАСАЛА

нисбатан кўпроқ вақт ўтди. Аммо, бу берилмайдиган, дегани эмас. Айни шу кунларда ушбу масалани ҳал этиш чораларини кўраяпмиз. Узоғи – 10 кун. Шу муддат ичида 27-умумтаълим мактабига, албатта, янги жиҳозлар берилади.

10 кун, 20 кун, бориб ана бир ой. Мутасадди раҳбар айтганидай, муаммо ҳал этилса, ўқувчилар яна хурсанд бўлади. Уларнинг юқорида қайд этилган фанларга нисбатан қизиқиш ортади, ўз навбатида, билими юксалади. Аммо "тез орада"си 1 йил ўтиб ҳам келмаган халқ таълими мутасаддиларининг 10 кун қанча бўлишини олдиндан чамалаш қийин.

Майит сизмаган
йўллар...

Ўрта Чирчиқ тумани "Ўртаовул" маҳалласи фаоли А. Аҳмедованинг Агентлигимизга қилган мурожаатидан маҳалланинг ички йўллари ва

мактабгача таълим масаласидаги муаммолар ҳам ўрин олган.

Маълумотларга кўра, "Ўртаовул" маҳалласида 620 дан ортиқ оилада қарийб 4 минг аҳоли истиқомат қилади. Маҳаллада Яшнобод, Ҳамдўстлик, Ривож, Бўстон, Умид, Роҳат, Дилнаво каби 7 та кўча бўлиб,

бўйлаб жойлашган симёғочларга тунги ёритиш мосламалари ўрнатилган. Аҳоли томорқаси шудгор қилинган. Ҳаммаёқ саранжом-саришта. Хуллас, кўчанинг ўзгача фазо бор. Фақат, ҳали фойдаланишга топширилганига 7 йил ҳам бўлмаган асфальт йўлдан бўлак...

Асфальт йўлнинг айрим жойлари 30-40 йиллик йўллар сийратини акс эттиради. Йўлнинг қабристонгача бўлган шағал қисмида эса ёғин-сочинли кунларда лой, ёзда тупроғу чангга ботиб юришга тўғри келади.

– Яқиндагина бир укамиз қазо қилди, – дейди кўча фаолларидан бири. – Ўша кунги ёмғир аралаш қор ёғаётган эди. Жанозага тўпланганлар марҳумни қабристонга олиб кетишар экан, муюлишга бориб юрарга йўл тополмай қолишди. Майитни эса сўнгги манзилига олиб бориш шарт. Шунда раҳматли марҳумнинг укаси ўз уйи дарвозасини очиб, тобут кўтарганларни ҳовлисидан бошлаб ўтди. Ҳўш, марҳум бегона бўлганда-чи? Бу ҳақда ўйлаш жуда оғир...

Кўча фаоллари билан қабристонгача бўлган йўлни яёв босиб ўтдик. Дарҳақиқат, йўлда юриш оғир кечди. Гарчи кўда куёш

порлаб, ҳаво иссиқ бўлса-да, гоҳи қадам босишга жой тополмай қолдик.

Ваъдалари
ёлғонмиди...

Мурожаатдаги яна бир муаммо – мактабгача таълим масаласи. Маълумотларга кўра, маҳаллада 160 ўринли намунали мактабгача таълим муассасаси бўлган. 2008 йилда муассаса фаолияти тўхтатилган. Шундан буён муассаса биноси суратда қўриб турганингиздек хароб аҳволда.

– Туман ҳокимлигига боғча фаолиятини тиклаш масаласида 2017 йил октябрь ойида биринчи бор мурожаат қилдик, – дейди А. Аҳмедова. – 2018 йил яна ва яна, жами 7 марта мурожаат қилдик. 2 марта ҳоким билан шахсан гаплашдим. 2018 йил сентябрь ойида боғча ишга тушади, деб ваъда берди. Афсуски, шу пайтга қадар собиқ боғча биносидан ақалли бир гишт олинмади ҳам, қўйилмади ҳам.

Маҳаллада боғча ёшидаги 250 нафардан ортиқ боланинг маълум қисми бошқа ҳудудлардаги боғчага қатнайди. Асосий қисми эса уйда, онаси ёки бувилари қўлида.

– Айни пайтда собиқ боғча биносини ҳокимлик билан биргача вазирлик билан биргача ўтказиш чоралари кўрилмоқда, – дейди туман мактабгача таълим бўлими мудири ўринбосари Х. Дўсмаев. – Мактабгача таълим вазирлиги билан биргача биланоқ дастурга киритамиз. Муддат масаласига аниқлик киритадиган бўлсак, жорий йилга мўлжалланган дастурлар бўлган. Демак, мазкур боғчани 2020 йил дастурига киритамиз.

Ишқилиб, бу галги ваъдалар рост бўлсин-да!

Авазбек ХУДОЙҚУЛОВ,
ЎЗА мухбири

ҚАСДМИ БУ,
ҚАСОСМИ?

Собиқ турмуш ўртоғини ўлдириш учун 1,5 минг АҚШ доллари ваъда қилиб қотилликка одам ёллаган шахс кўлга олинган. Бу ҳақда виллоят ИИБ матбуот хизмати хабар бермоқда.

□ Таассуф

Маълум бўлишича, жорий йил 11 февраль кунги Чирчиқ шаҳрида яшовчи фуқаро Б.Й ИИБга мурожаат қилиб, таниши – қибрайлик Д.А собиқ турмуш ўртоғи Ш.Мни ўлдириши эвазига унга 1,5 минг АҚШ доллари бермоқчилигини айтган.

Ҳолат юзасидан 13 февраль кунги виллоят ИИБ ва прокуратура ходимлари томонидан тезкор тадбир ўтказилиб, буюртмачи Д.А учун собиқ турмуш ўртоғи Ш.М ўлдирилганини, қотиллик жинояти Б.Й томонидан содир этилганлиги саҳналаштирилди. Далил сифатида фотосуратлар ҳамда собиқ турмуш ўртоғига тегишли аёллар сумкаси берилади.

Шундан сўнг Д.А ишни битирганлиги учун Б.Йга келишилган пулдан 400 минг сўмини бераётган вақтида далилий ашёлар билан қўлга олинади.

Мазкур ҳолат юзасидан виллоят прокуратураси томонидан фуқаро Д.Ага нисбатан Ўзбекистон Республикаси Жиноят Кодексининг 25/97-моддаси 1-қисми билан жиноят иши қўзғатилиб, эҳтиёт чораси сифатида қамоққа олинган.

"Тавба", дейсан киши. Шундоқ ҳам ажрашган собиқ хотинининг ўлими нима учун керак бўлди-кан? Бу қадар тубанликка боришга уни нима мажбур қилди, ҳайронмиз...

©haqiqatonline

□ Давра суҳбати

Тошкент давлат аграр университетиди Ички ишлар вазири маслаҳатчиси, генерал-полковник Зокиржон Алматов иштирокида давра суҳбати бўлиб ўтди.

КўПНИ КўРГАНЛАР
ИБРАТИ

Маънавий-маърифий ва тарбиявий-профилактик тарзда ўтган мулоқотда З. Алматов сўнгги йилларда ички ишлар тизимидagi ўзгариш ва жараёнлар ҳамда узоқ йиллик меҳнат фаолияти давомида рўй берган қизиқарли воқеалар ҳақида гапириб берди. Фахрий меҳмон ёшлар билан самимий суҳбатлашди.

Мулоқот давомида асосий эътибор "оммавий маданият" таъсири натижасида содир этилаётган жиноят ва ҳуқуқбузарликларнинг сабаб ва оқибатларига қаратилди.

– Тан олиб кийин керакки, бугунги кунда миллий маънавиятимизга хавф со-

лаётган таҳдидлардан бири ҳам айнан "оммавий маданият" дир, – деди З. Алматов. – Бу иллат айрим ёшларни маънавий ва маданий қарашларни менсимасликка, енгил ҳаётга учиб, масъулиятни ҳис қилмай воқеа етишларига сабаб бўлмоқда. Бунга асло беланг қараб бўлмайди. Бунинг олдини олиш учун барчамиз биргаликда ҳаракат қилишимиз керак.

Қизиқарли ўтган учрашувда талабалар ўзларига керакли тавсия ҳамда маслаҳатлар олишди.

Эрали НОРЕБЕКОВ,
"Тошкент ҳақиқати"
мухбири

Газетанинг навбатдаги сони 8 март кунги чиқади.

Хусусий эълон

Саидориф Саидалихаджаев (марҳум) номига берилган Тошкент шаҳри, Шайхонтоҳур тумани, Тинчлик кўчаси, 46-уйга тегишли бўлган барча ҳужжатлар йўқолганлиги сабабли бекор қилинади.

ТЕМУРБЕКЛАР БАҲСИ

Бўстонлик туманидаги 44-мактабда ҳудудда жойлашган ҳарбий қисм билан ҳамкорликда "Темурбеклар" ҳарбий спорт мусобақаси ўтказилди. Унда мактабнинг 10-11-синф ўқувчилари жамоаларга бўлиниб, ҳарбий спорт турлари, саф тайёргарлиги, биринчи тиббий ёрдам кўрсатиш, давлат рамазларини шарҳлаш, ҳарбий соҳага оид савол-жавоблар каби 7 шарт бўйича баҳслашди.

Таъкидлаш жоизки, Президентимизнинг "Ёшларга оид давлат сиёсати самарадорлигини ошириш ва Ўзбекистон ёшлар иттифоқи фаолиятини

қўллаб-қувватлаш тўғрисида" қўл. Фармонига асосан Соҳибқирон Амир Темурнинг Ватанга садоқат, мардлик ва адолатпарварлик фазилатларини ёш

авлод учун ўрнат қилиб кўрсатиш мақсадида, мамлакатимиздаги барча ҳарбий академик лицейларга "Темурбеклар мактаби" номи берилиши ёшларнинг ҳарбий соҳага қизиқишини янада оширди.

– Ҳақиқатан ҳам, ёшларда ҳарбий спорт турларига қизиқиш катта, – дейди ҳарбий қисм офицери Р. Комилов. – Мазкур мусобақадан кўзланган мақсад – ёшларни спортга ом-

КОРХОНА ВА ТАШКИЛОТЛАР РАҲБАРЛАРИ ДИҚҚАТИГА!

Ўзбекистон Республикаси Президентининг 2018 йил 24 ноябрдаги "Кишлоқ аҳолиси ва фуқароларнинг айрим тоифалари учун арзон уй-жойлар қуришни кенгайтиришга оид қўшимча чора-тадбирлар тўғрисида"ги ПҚ-4028-сонли Қарори ижроси юзасидан кишлоқ жойларда аҳолининг кенг қатламларини замонавий ва шинам уй-жой билан таъминлаш мақсадида:

"Кишлоқ қурилиш инвест" масъулияти чекланган жамияти инжиниринг компанияси 2019 йилда кишлоқ жойларда янгиланган намунавий лойиҳалар бўйича арзон уй-жойлар қурилиши учун пудрат ташкилотларини танлаш юзасидан тендер савдоларини эълон қилади

№ 2019-06

Тендер савдолари эълон қилинган биринчи санаси:

Тендер тақлифларини тақдим этиш учун охириги муддат:

2019 йил 19 февраль "Ишонч" газетасида

Эълон чоп этилган санадан 30 кундан сўнг

Кишлоқ жойларда қуриладиган янгиланган намунавий лойиҳалар асосидаги уй-жойлар типлари:

1-тип: Тўрт қаватли кўп квартиралар (2, 3 хонали) уйлар;
2-тип: 0,02 Га ўлчамли ер участкаларида жойлаштирилган бир қаватли 3 хонали уйлар;

1. Тендер иштирокчилари қуйида санаб ўтиладиган ҳар бир тендер пакетлари учун муҳрланган танлов тақлифларини киритишлари мумкин.
2. "Кишлоқ қурилиш инвест" МЧЖ ИК ("Буюртмачи") ҳуқуқий ваколатга эга бўлган тендер иштирокчиларини қуйида келтирилган шартномалар бўйича янгиланган намунавий лойиҳалар бўйича уй-жойлар қурилишини амалга ошириш учун ("Қурилиш ишлари") муҳрланган танлов тақлифларини киритишларини тақлиф қилади.

3. Тендер савдолари Ўзбекистон Республикаси Вазирлар Маҳкамасининг 2017 йил 26 апрелдаги 243-сонли қарори билан тасдиқланган Низомга мувофиқ ўтказилади.
Тендер иштирокчилари қўшимча маълумот олиш ва тендер ҳужжатлари билан танишиш учун Қурилишда танлов савдолари ва нархларни шакллантириш Тошкент виллоят ҳудудий консалтинг марказига қуйида кўрсатилган манзил бўйича мурожаат қилишлари мумкин: Манзил: Тошкент шаҳри, Навоий кўчаси, 18-уй, телефон/факс: (0 371) 241-15-37, (0 371) 241-15-26.

4. Тендер ҳужжатларининг нусхасини олиш учун тендер иштирокчилари қуйидаги тартибда юқорида кўрсатилган манзил бўйича мурожаат қилишлари мумкин:

"_____виллоят, _____тумани, _____массивидаги, _____лот _____та яқна тартибдаги уй-жойлар қурилишини амалга ошириш учун тендер ҳужжатларини беришингизни сурайман" шаклида юқоридаги манзилларга ёзма ёки электрон шаклда мурожаат қилиш лозим.

Тендер ҳужжатларини эълон берилган кундан бошлаб, барча иштирокчилар олишлари мумкин.
Кейинчалик қайтариб берилмайдиган пул тўлови тендер ташкилотчиларининг – Қурилишда танлов савдолари ва нархларни шакллантириш Тошкент виллоят ҳудудий консалтинг марказининг банк ҳисоб рақамига ўтказилиши лозим. Бир тўплам танлов ҳужжатлари учун кейинчалик қайтариб берилмайдиган ЭКИҲ га тенг.

Банк ҳисоб рақами реквизитлари қуйида келтирилган: Банк: "Азия Альянс Банк" Олмасор филиали ИИН: 300 017 720, МФО: 01102, Х/р: 2021 0000 5045 4602 7001.

Тендер ҳужжатлари қуйидаги тартибда тақдим этилиши лозим:

Юқорида кўрсатиб ўтилган ҳудудий консалтинг марказига. Тақлифларни тақдим этиш сўнгги муддатигача: Шартномалар рўйхатида кўрсатиб ўтилган вақтгача. Тендер ҳужжатларида кўрсатилган тартибда декларация тақдим этиш.

Тендер тақлифларининг очилиши тақлифлар тақдим этишининг охириги қунида тендер савдоларида қатнашиш истагини билдирган барча ташкилотлар иштирокида қуйида келтирилган манзилда ўтказилади: Тошкент виллоят ҳокимлиги. Манзил: Нурафшон шаҳри, Тошкент йўли кўчаси, 90-уй. Телефон: +0 (371) 232-80-47, Факс: +0 (371) 232-80-42.

Қўшимча маълумотлар учун "Кишлоқ қурилиш инвест" МЧЖ ИКнинг ҳудудий филиалларига мурожаат қилишлари мумкин.

Тендер савдоларида қатнашиш истагини билдирган ташкилотлар, қурилиш ташкилотлари қуйидаги талабларга жавоб беришлари лозим:

Бир донга уй (хонадон) учун талаб этилади:					
Уй типлари	Талаб этиладиган йиллик ўртача айланма маблаг (сўм)	Қурилиш малакаси ўқинаш ҳам ва характердаги шартнома (сўм)	Сўнгги бир йил давомида бажарилган ер ишлари ҳажми м3	Сўнгги 3 йилда бажарилган бетон ишлари м3	Сўнгги 3 йилда қуриб биттирилган уйлар майдон м2
0,02 Га ўлчамли ер участкаларида жойлаштирилган бир қаватли 3 хонали уйлар	150 000 000	120 000 000	30	50	120
Тўрт қаватли кўп квартиралар (2, 3 хонали) уйлар	2 400 000 000	1 920 000 000	360	600	1440

Шартнома (лот)лар рўйхати								
Лот №	Худуд	Қишлоқ аҳоли пункти номи	Хонадон сони	Тўрт қаватли 2-3 хонали уйлар		Бир қаватли 3 хонали уйлар (0,02 Га)		Таклифларни топиришнинг охириги мuddати
				Сони	Хонадон	Уй рақами	Сони	
ЖАМИ			136	4	96		40	
Тошкент виллояти			136	4	96		40	
498	Бекобод	Янгитўз	24	1	24	1		2019 йил 25 март 11:00
499	Бекобод	Янгитўз	24	1	24	2		2019 йил 25 март 11:00
500	Бўқа	Ҳожиқметов	10				10	1-10 2019 йил 25 март 11:30
501	Зангиота	Богшамол	10				10	1-10 2019 йил 25 март 11:30
502	Ўрта Чирчиқ	Гулзор	10				10	1-10 2019 йил 25 март 12:00
503	Ўрта Чирчиқ	Гулзор	10				10	11-20 2019 йил 25 март 12:00
504	Ўрта Чирчиқ	Тинчлик	24	1	24	1		2019 йил 25 март 12:00
505	Янгийўл	Гулбахор	24	1	24	1		2019 йил 25 март 12:30

Тошкент виллоят Матбуот ва ахборот бошқармасида 2011 йил 12 январда 03-001 рақами билан рўйхатга олинган.

Газета "Тошкент ҳақиқати" таҳририяти компьютер марказида терилди ва саҳифаланди.

Навбатчи муҳаррир
Кумуш ЭГАМБЕРДИЕВА
Назоратчи мусаввиф
Аллома АЗИЗОВА
Саҳифаловчи
Тоҳир МАХМУДУЖАЕВ

ТОШКЕНТ ҲАҚИҚАТИ
ТАШКЕНТСКАЯ ПРАВДА
Муассис:
Тошкент виллоят ҳокимлиги

Бош муҳаррир
Файрат
ШЕРАЛИЕВ

Ҳафтанинг
чоршанба ва шанба
кунлари чиқади.
Электрон
почталар:
thaqiqat@mail.ru
th-tp@mail.ru

Қабулхона:
Бош муҳаррир ўринбосари:
Масъул котиб:
Бўлим муҳаррирлари
Шартнома ва эълонлар:
Ҳисоб-китоб бўлими:

Телефонлар:
71 233-64-95, 71 233-58-85 (факс)
71 233-70-10
71 233-55-38
71 233-38-23, 71 233-48-08
71 233-65-59
71 233-54-10

ҒАЛЛА ПАРВАРИШИДА ДОЛЗАРБ 90 КУНЛИК ВИЛОЯТ ФЕРМЕРЛАРИ ВА ҚИШЛОҚ ХЎЖАЛИГИ МАҲСУЛОТЛАРИ ЕТИШТИРУВЧИЛАРИГА МУРОЖААТ

Кадрли дўстлар! Хурматли фермерлар!

Мустақиллик йилларида юртимизда қишлоқ хўжалиги соҳасида кўлга киритилган энг юксак марраларда бири – бу, шубҳасиз, Ўзбекистоннинг ғалла мустақиллигига эришганлигидир. Зотан, **мамлакат ғалласи мўл бўлса, халқнинг кўнгли хотиржам, эртанги кунга ишончи баланд бўлади.** Халқимиз учун нон шундай улуғ ва табаррук неъматки, нафақат дастурхон тўқинлиги ва рўзгорнинг қут-баракаси, балки ҳаётимизнинг фаровонлиги унинг сероблиги билан белгиланади.

Минг шукри, халқимиз ўз дони, ўз беминнат нонига эга. Бунинг замирида фермерлик ҳаракати ҳар тарафлама қўллаб-қувватланиб, тизимга қўллаб-имтиёзлар жорий этилаётгани, энг муҳими, фермерлар ва барча дала меҳнаткашларининг моддий манфаатдорлиги биринчи даражага кўтарилаётгани мужассам, десак, аини ҳақиқатни айтган бўламиз.

Кўпни кўрган асл миришкорларимиз яхши билишади, ғалла ҳосилининг мўл-кўл бўлиши кўп жиҳатдан аини бугунги ҳаракатга, экин парваришидаги агротехник талабларни оби-тобида, рисоладагидек ўтказишга боғлиқ.

Мамлакатимиз озиқ-овқат хавфсизлигини таъминлашда муҳим бўлган ғалла парваришини тизимли ташкил этиш ва ҳосилга-ҳосил қўшиш бўйича олдимизда турган долзарб вазифалар бугун барчамизни ўз ичимизга ҳар қачонгидан ҳам масъулият, фидойилик билан ёндошишимиз зарурлигини тақозо этади.

Деҳқончиликда йилдан йилнинг фарқи бўлади. Ҳеч кимга сир эмас, ўтган йили об-ҳаво ўта иссиқ ва қуруқ келгани, жойларда сув танқис бўлгани ҳосил бўлишига путур етказди, аксарият фермерларимиз мўлжалдаги ҳосилни ололмадилар. Шунга қарамай, омилкор деҳқону фермерларимизнинг фидокорона меҳнати туфайли вилоятимизда давлатга дон сотиш бўйича контрактация шартномалари муваффақиятли адо этилди.

Мутахассисларнинг кузатувларига кўра, **бу мавсум ғалладан мўл ҳосил олиш, ғаллакорлар даромадларини мисли кўрилмаган даражада оширишнинг аини мавридидир.** Қолаверса, бу йил ёнгирчилик миқдори ўтган йилга нисбатан икки



марта, аввалги йилларга қиёсан 1,3 баробар юқори бўлмоқда.

Яна бир муҳим жиҳат – фермерларни рағбатлантириш мақсадида 2019 йилда бугдўйнинг ҳар бир тоннаси учун 1 миллион 200 минг сўм ёки ўтган йилга нисбатан 1,6 баробар юқори харид нархи белгиланди. Юқори ҳосил олган фермерларга давлат харид нархига 25 фоизгача, яъни ҳар бир тонна дон учун 300 минг сўмгача устама қўллаш тизими жорий қилинди.

Қолаверса, азотли, фосфорли ва калийли ўғитлар ўз вақтида жойларга етказиб берилмоқда. Бир сўз билан айтганда, ҳосилдорлиқни ва дон етиштириш ҳажмини ўтган йилга нисбатан камида 30 фоизга ошириш учун барча имкониятлар мавжуд.

Шунинг баробарида, қиш фаслининг илиқ келиши, аини пайтда намликнинг кўп бўлаётгани ғалла майдонларида бегона ўт, турли хил касалликлар, айниқса, занг ҳамда ҳашаротларнинг кўпайиб, ривожланишига қулай шароит яратмоқда. Шу боис, ҳаво ҳарорати 15-18 даража илиқ ва ундан юқори бўлаётган аини дамларда уларга қарши курашишни бошлаш керак.

Мутахассислар тавсияларига кўра, қишлоқдан чиққан ғалла илдиз тизимининг яхши ривожланишида оби-тобида суғоришнинг аҳамияти бекиёс. Қолоқ, ривожланишдан орқада қолаётган майдонларни "шарбат" усулида суғориш ғалла ривожини икки мартага тезлаштиради. Эрта баҳорда майсалар ривожини суғориш билан майдонларга 2 марта суспензия сепилиши ўсимликларнинг эрта баҳорги ривожланиш жараёнини тезлаштиради.

Шундай экан, биз она заминимиз, халқимиз ризқ-рўзининг бирдан бир манбаи бўлган бебаҳо еримиз тақдири ишониб топширилган ғаллакор фермерларимизга муурожаат қиламиз:

Машаққатли меҳнат ва катта ҳаражат эвазига етиштириладиган ғалла ҳосилини кўпайтириш учун ўзингиз раҳбарлигингизда, бириктирилган қишлоқ хўжалиги ходимлари ва мутасаддилари кўмагида, хўжалигингиз ишчилари, сувчи ва механизаторлари, ҳудудингиздаги меҳнатга лаёқатли, шижоатли ёшларни ёнингизга олиб, барча сазой-ҳаракатлар, куч ва имкониятларингизни ғалла парваришидек муҳим ва долзарб вазифага сафарбар қилинг!

Бундай ҳолларда тадбирли бўлиш талаб этилади, ўтган йилги натижалар билан чегараланиш, яна шу маррани кўзлаб иш тутиш муҳтарам Президентимиз билдираётган ишонч ва ҳаётий эҳтиёжларимизга мутлақо тўғри келмаслигини унутманг!

Ўз тақдирини деҳқончиликдан айро тасаввур қила олмайдиган фермернинг жойи бугун далада! Фермерлик шарафини зиммангизга олган экансиз, бугунги кун талабларига жавобан, даласига меҳр қўйган, дала шийпонини иккинчи уйига айлантирган ва экинлари билан тиллаша оладиган бир сўзли, ёруғ юзли фермерлар сафига қўшилинг!

Халқимиз дастурхони тўқин-сочин, бозорларимиз ноз-неъматларга тўла ва арзон, турмушимиз фаровон бўлиши бугунги фидокорона меҳнатингизга боғлиқ экани асло ёдингиздан чиқмасин!

Давлат сизга нафақат ерни топширди, балки бой бўлишингиз учун барча зарур шарт-шароитни яратиб бермоқда. Юртбошимизнинг ишончини ҳалол меҳнатларингиз билан оқланг ва унинг роҳатини кўринг!

Кадрли фермерлар!

Халқимизда "Нон хурмати" деган гап бор. Зеро, халқимиз ризқи, дастурхонимиз кўрки бўлган азиз ва лазиз неъмат хурмати учун, халқимиз фаровонлиги учун бу ишларга ҳиммат камарини боғлаб, бош қўшиш барчамизнинг инсоний бурчимиздир.

**ХАЛҚ ДЕПУТАТЛАРИ
ТОШКЕНТ ВИЛОЯТИ КЕНГАШИ**

ТОМОРҚА – РИЗҚ-РЎЗ ВА ҚЎШИМЧА ДАРОМАД МАНБАИ ВИЛОЯТИМИЗ ДЕҲҚОНЛАРИ ВА ТОМОРҚА ЕР ЭГАЛАРИГА МУРОЖААТ



Азиз вилоятдошлар!

Она диёримизда яратувчанлик фасли – навбаҳорнинг хуш насимлари эса бошлади. Шу муаззам паллаларда табиат уйғониб, атрофга ўз гўзаллигини кўз-кўз қилади. Уйғониш фасли ҳар сафар бизга ҳаёт абадийлиги, яшамок саодатидан сабоқ беради.

Барчамизни боқаётган, тўйдирётган саховатли она замин бағрига қўктам қўёшининг тафти тегиши биланок ризқ-насибамиз нишонлари уна бошлайди. Бундай паллада ерга суқилган ҳар қандай ниҳол, экин-тикин бениқсон кўкаради, баравж ривожланади. Шу сабабдан, бугун бутун юртимиз бўйлаб хайрли ва эзгу мақсадни кўзлаб, томорқаларга экин экиш мавсуми ҳар қачонгидан барвақт бошланиб кетди.

Бинобарин, юртимизда озиқ-овқат хавфсизлиги, нарх-наво барқарорлигига эришиш, ноз-неъматлар сероблиги, аҳоли даромадларини ошириш, бир сўз билан айтганда, ҳаёт фаровонлигини таъминлаш биринчи галда аҳоли томорқаларидан самарали фойдаланишга боғлиқ.



Чўп суқсанг, кўкарадиган еримиз бор. Шундай экан, энг шимариб, бебаҳо хазина – томорқадан унумли фойдаланишимиз, буни кундалиқ турмушимизнинг энг муҳим ишига айлантиришимиз шарт! Бир парча еримиз бўлса ҳам, унга кўпроқ фойда келтирадиган, мўл ва харидоргир ҳосил берадиган экинлардан экайлик, токи, ёзнинг чилласида ҳам оддий кўкат ё қалампир учун бозорга чопиш бизга асло ярашмайди.

Азиз дўстлар, кадрли томорқа соҳиблари!

Биласиз, эрта баҳор – ғанимат меҳмондир. Ниҳол қадаш, уруғ сепиш ишлари узоғи билан ўттиз кундан ошмайди. Эрта эканимиз – улгурганимиз. Акси бўлса, қуруқ қўл билан қоламиз, олтинга тенг имконларни бей берамиз. Энг ёмон, ернинг умри зойе кетди. Уволнинг эса жавоби бор!

Менинг томорқамдаги ҳосил билан бозор тўлиб қолармиди, деб ўйламанг. "Тома-тома кўл бўлур", дейди халқ. Тоғдек барака хирмонлари ҳам аслида мисоллардан яралади. Биргина мисол: Қибрай туманидаги 36 мингга яқин хонадонларнинг 2,5 минг гектардан зиёд томорқа майдони бор. Бу ерлардан йилига ўрта ҳисобда 50 минг тоннадан ортиқ сабзавот, картошка, мева ҳамда узум етиштириш имкони мавжуд. Туман аҳолисининг бу каби қишлоқ хўжалиги маҳсулотларига бўлган йиллик эҳтиёжи эса 31,5 минг тоннага тенг. Демак, томорқачиларнинг ўзи туман аҳолини сифатли мева-сабзавот билан таъминлаш баробарида, қарийб 20 минг тонна маҳсулотни пойтахт бозорларига ёки четга чиқариш имконига эгадирлар.

Қолаверса, ҳар йили икки-уч сотих ердан 18-20 миллион сўмдан соф фойда кўраётган томорқа эгаларининг ғайрат ва шижоати, омилкорлиги барчамизга ибрат бўлмоғи керак. Томорқасини яшнатиб қўйиб, иморат кураётганлар, машина олаётганлар, тўю томошалар қилиб, орзу-хавас кўраётганлар оз дейсизми орамизда?

Дарвоқе, бу борада аҳолига кўмаклашиш мақсадида барча ҳудудларда "Томорқа хизмати" корхоналари фаолияти йўлга қўйилган. Улар орқали томорқалар учун кўчат, минерал ўғит, кимёвий препаратлар етказиб бериш, ҳатто механизация ҳамда бошқа сервис хизматлари кўрсатиш бўйича тизим яратилган.

Вилоятимиз бўйлаб кенг қулоқ ёзаётган яна бир эзгу ташаббусдан хабарингиз борми? Эндиликда кам таъминланган, эҳтиёжманд оила-лар учун бепул уруғлик ва кўчатлар етказиб берилмоқда. Бунинг учун етарли маблағ ва ресурслар захиралари тахт қилиб қўйилган. Сиздан ҳафсала бўлса бас.

Азиз дўстлар!

Ҳазрат Алишер Навоий бобомиз "Ерга уруғ сепиш – ризқ йўлини очишдир", деганлар. Чиндан ҳам, меҳнат қилган инсон камлик кўрмайди, элда ҳам азиюз муқаррам бўлади. Ота-боболаримиз тонг саҳарлаб хонадон томорқаларига кетмон уришгани, ишдан бўш вақтлари ва дам олиш кунларини шу эзгу ишга сафарбар этганлари бежиз эмас. Ўз шахсий ибратимиз билан фарзандларимизни

ҳалол ризқ топишга, меҳнат қилиб, бойлик орттиришга ўргатайлик. **Зотан, бировнинг бергани – кўргулик, меҳнатдан келгани – тўйгулик, дейдилар.**

Унутмайликки, бизнинг энг бебаҳо бойлигимиз – Яратган инъом этган бебаҳо унумдор еримиздир. Айниқса, сувнинг мўл-қўллиги, табиий омилларнинг сероблиги, қуёшли кунларнинг қўллиги бир жойдан бир мавсумнинг ўзига уч-тўрт маротабагача ҳосил олиш имконини беради. Бизда ўзининг деҳқончилиги, боғдорчилик тажрибаларини намоён этиб, кўпчиликка ибрат бўлиб келаётган омилкор хонадон эгалари кўп. Лекин, шунинг баробарида, ҳар қаричи олтинга тенг ерни ўз ҳолига ташлаб, ернинг умрини зое ўтказаяётган, ўзибўларчилик кайфиятига берилган замондошларимиз ҳам оз эмас. Биз, аввало, ўз ибратимиз билан ана шундайларга томорқа имкониятларини тўғри тушунтирайлик, уларни ҳам йўлга солайлик!

Бободоҳонларимиз "Эрта эккан хирмон қилур, кечикканлар армон қилур", деб бежиз айтмайдилар. Ҳозирданок энг шимарайлик! Фарзанду набираларни ёнимизга олиб, ўз хонадонимиз файзи, ўз оиламиз фаровонлиги, ўз дастурхонимиз тўқин бўлиши учун ҳаракатни бугундан бошлайлик! Президентимизнинг эзгу даъватлари билан айтганда, **барча сазой-ҳаракатларимиз ободлик, бунёдкорлик ва фаровонликка ҳисса бўлиб қўшилсин!**

Унутманг, кетмони занглаган хонадонда барака бўлмайди!

**ХАЛҚ ДЕПУТАТЛАРИ ТОШКЕНТ ВИЛОЯТИ КЕНГАШИ,
ВИЛОЯТ ФЕРМЕР, ДЕҲҚОН ХЎЖАЛИКЛАРИ
ВА ТОМОРҚА ЕР ЭГАЛАРИ КЕНГАШИ**